

洞真太上八素真經修習功業妙訣

洞真太上八素真經三五行化妙訣 通三
太極四真人謔太上大道君曰服日月之精
奔二景之妙妙極之寶寶之最高降生神丹
三合成德謹已聞命道足止此乎太上答曰
善哉要問利益一切矣凡學得道皆由積善
其間方術內外輔成吐納餐服皆方術也三
智五慧皆善行也善行不立方術無驗驗亦
不久久必滅身上士高才先立善行然後方
術方術巨多多亦無數精產有階雖各因緣
緣蘊至妙妙極三合在此日月神丹欲速得
效務行萬善萬善不可頓行行之亦不知其
要要在三五五得之萬善自立其數雖不
倖足其間可得修方方術與善動靜兼行行
之積久不過九年必獲神通登聖真矣真人
稽首重請問曰三五之要可得聞乎太上答
曰可得聞耳非人勿傳三者智也五者慧也
三智者知天知地知人也知人法地安靜為
本知地法天和順為基知天法道動不累寂
寂常湛存動應利物利益一切不名不矜不
勞不慮不厭不辭此知明了了然無疑與日

合德故號三智智者知也知此三才堪行
道道者通也仁義禮知信五者同不應去不墜
則通通濟無極物我相生生生最急急行不
怠決解無疑利益無窮故號五慧五慧合三
智三智通五慧慧智無極智慧無崖忘滯得
通長生无死由於三五萬善相成各有經戒
科法威儀天文地章人理分明父以教子君
以勅臣師訓弟子卑亦獻尊无心故忘言有心
則相益益彼不以為功功忘名為上德德得
上道常得无失學者之極極此宗源也真人
又請問曰无上妙旨方願宣行上以化下下以
敬上師資之宜經卷互有或前或後或在
中篇或別科儀或傳口訣世代不同家殊國異繁
省既並施用多疑不敢意斷迴違移辰白日
易去寸陰難留修行乖體增罪加尤救之无
方俯仰慙懼歸命天尊天尊曲慈的然要旨
特乞戒言太上答曰學必須師師口為定諸
文修忌多少參差盡意豈得具言乎方演化
利益羣生羣生有心急宜獎就輒說要訣善
自詳量以時消息勿背宗源耳真人歡喜稽

首奉命

太上曰所以貴人與天地等者謂其能相教
 導也先學悟後覺反流歸一源捨苦即樂可
 貴可尊故得道仙真未極大聖者後皆發心
 立願緣運垂感更生人中贊揚妙法積德累
 功乃登大聖大聖之資資於行教教訓嚴明
 治邪以正慈悲喜捨四等宣通不能爾者雖
 日夜誦經佩服符氣勞多獲少欲成大乘大
 乘以溥濟為先溥濟以開化為急急教眾
 生守一存三行五元德必究大乘其中小識
 不堪大方其小者倏任與之行藏在師師
 明无謬精加內省勿妄唱為為己為物後身
 身先自非深智洞慧之人不可與之言斯道
 矣行化之時先誠所習所習有驗雖未究竟
 粗可救急急便行之待備則功不進求備則
 无期矣求備有期在乎並行並行並習並習
 並驗驗不即者久久自微數滿滿則得道
 得道極修不可即登雖不可即登當稍稍行
 習習之以時行之會運運之未會不可強時
 易失可虧虧時強運運而致弊得時達運遠

而保全全德之人不失時運時運不是上下
 相疑內外精忌陰陽相傷此不可冒犯犯之
 考深幽顯得罪不可解除欲免斯禍諦識運
 時四序五行相續不絕依時修習无躓懈退
 感至運開各有其法三洞諸經法法不同運
 與則用運衰則捨不得輕慢敬與用平運有
 行藏道无輕重也化身家化鄉化國化天
 下天下不相許與勿犯之國鄉家身皆同一
 法身習不宜亦莫若強苦強致致退敗成災
 墜陷地獄永隔天堂人身尚不可得何冀乎
 仙真真人之學自試為先先習其所受事可
 則進不可則止不為惡更惡因緣因緣未
 深徐密又進進可則前不可又已重首過
 慙愧屏營不得對退與他言之默復潛習一
 事三為三為不可更易方法无數隨受
 施行行化化身然後及物自一身及天下至
 于无央天下皆同密行此術此術練心練
 質易質易心精成真有期矣
 凡行妙化當先化身身者先志道道在心
 中心中存道道不可見心不可忘忘心者存

道堅正正道在心心事不懷邪不敢干名之
 為志志道至堅成於事也何由自堅堅由大
 慈慈愛一切不異己身身不損物物不損身
 一切舍悉木草壞灰皆如己身念之如子不
 生輕慢意不起傷彼心心恒念之與已同存
 有識願其進道道三願其識生此應天德萬
 善之先久行朗達與日月並明也
 凡行妙化先當化身化身者先志道志道已
 次守德德在識中識中有神神識為道守德
 成真真人所習習善不忘憶之无遺名之為
 識識善行慈生生為始次用儉慎慎終如始
 无欺无雜號曰真人謹密不忘動身隱靜為
 事出則應時時去即論不滯手物聲色不能
 污勞辱不能累處富貴時不積不傲不驕不
 奢不華不耀在貧賤日不諂不佞不矯不偷
 不噴不高居中有常厚薄取衷潛光布實持
 節用敬節有尊貴之報實光招洞真之果修
 儉不休與日月合德也
 凡行妙化先當化身化身者先志道次守德
 終謙卑卑者知也移也底也識神有知道知

德道尊德貴不可妄求求之以謙卑以自牧
位勢在前退身在後次第在後无觀於前恒
居眾下底極之鄉人所不競俗所不營止而
不悶思道益堅守德彌固羣生所伏凡所不
能已獨能之超羣出眾神明所矜正真所祐
移下昇高自地登天捨凡入聖遂成大智慧
之源一切所宗天人所仰由平退身度人致
能居後反前謙讓更得不靜最雄不敢為先
自之先達人中之尊天地齊一白日登晨星
辰之極三智之實實在慈儉不敢為先智之
妙也。

凡行妙化先當化身化身者習三智三智已
達五慧五慧者仁禮信義智也三智洞者包
乎五慧五慧中智即是三智學習未究三智
未相包修行未通五慧未相一故立名有殊
三五成異然則五慧中智智未極也極則在
三同一一同无復五矣仁禮信義亦有智分
智分在四四故得成四无此智不能立也四
有少分故不受智名智分居多故與四德為
五五德相通平等无偏无偏則无復五名名无

則與三智為一三智初一一就五焉號為六
通洞達之後又無三焉三五既謂之七覺
覺悟了然究竟无極有數无数朗徹无碍分
之則分合之則合合不累分不累合合則
總稱曰一分則略名為七七階示漸引末歸
源識神生知是其一也知而能見是其二也
見而能從是其三也從而能習是其四也習而
能堅是其五也堅而能成是其六也成而不
居是其七也七覺七階由乎一覺覺有淺深
次第為七過此以往洞入道源八達无窮非
言所說說不能窮默識自了默識自了其言
自忘忘言得道道之上也

凡行妙化先當化身化身者遵五慧仁者好
生惡殺救敗護成禁忌殺傷隔絕嫉妬能和
合陰陽放生度死慈悲憐愍念弗忘積仁
長壽遂登神仙道三神仙所貴貴乎相生生長不
絕隱顯相傳傳行有氣氣質有名名仁者主
木木生火火為禮禮者恭敬內外揖拜有儀
崇仰三尊貴養重和禁忌驕慢斷絕貪婪能
清貞廉潔久則神仙火生土土為信信者中

實不妄善元負違禁忌虛詐欺內者誅能心
口相應字諒有微篤厚誠實父則神仙主生
全全為義義則明斷是非賞善罰惡去邪就
正決嫌定疑捨財不盜抑猛佑羸禁忌迷惑
邪見必疑強梁自用竊奪公私能焚福過禍

治亂止暴清素博瞻久則神仙金生水水為
智智者一切知了分別真偽禁忌姦邪愚癡
執滯能清平洞徹勤學教人善誘无倦久則
神仙五德偏多有功有罪有進有退更相補
贖多善受福多惡受禍禍福无門唯人所召
所召未專善惡迴換雖福至天堂尚有退落禍
入地獄亦有超昇皆非學道之儔正是流俗之
侶粗知信向不能得真真仙之道付上士志
人志人上志皆好學真仙勤習三智精修五
慧三智平等俱行不偏不著積久周通克登
上聖與道合真更相傳授必得其人學不知
三五徒自勞苦耳知者秘之密行勿泄也
凡行妙化先當化身化身者先受法受法不
齊率爾傳付或齋戒不精信物不備或協勢
強求不遵師法或因緣過得不尋明師或玄

盟不洗信物不輸初欲修行便廢棄或更
狐疑訾毀欲露形言醜惡機辱萬端或秘之
不解无意研尋供養違科地置非所輕慢靈
文苟存我有或奪或乞竊覽妄行犯此諸罪
風刀无原急宜解謝洗心洗腸歸命青童禮
拜首愆三年不替罪必被原後不重犯乃得
行經若相命未合由功德未充唯存青童開
通心識解各殃之結降洞朗之明使究了玄
義自照因緣修行速驗克成上真也

存青童君法

東海之中方諸之山本名東龍東華之宮周
迴三千里有六門

東門名青華門門郎姓立名伯淵主學仙簿
錄所經

南門名神華玉門門郎姓王名祖思主真人

飛仙出入

西門名玉洞門門郎姓康名尚節主高上衆

真玉皇三十九帝二十四玉真西龜玉母出入

北門名玉陰門門郎姓史名少彙主真仙及

始學者紀紀退降所經

東南門名天關門門郎姓文名五車主人宿
命因緣簿錄得仙所由

東北門名寒水門門郎姓重名林都主鬼爽
轉欽所經

右六門治天東壘山門有師子巨狩各三百

衛門門將各三千學道之人先知門名次第
有知者則不死名素青宮入室燒香恒存門

名及門郎姓字九年得乘雲昇入六門也
六門內有三宮第一宮名方諸青宮上相青
童所治

第二宮名玉保青宮上相大司馬高晨師所治

第三宮名玉華青宮東海青華小童所治

右三宮內宮並有玉樹數百株上有鷓鴣鳳
凰九色之鳥下有芝草玉井自生之泉飲之
壽同三光師子天獸輔衛牆外

凡學道未成皆由罪障當清齋燒香謝罪請
福以一卯日時出於露地雨則住堂注心東

向叩齒三通閉目存見三宮念上相青童君
在方諸青宮之內金殿瓊房之裏衆真侍女

三千人直衛左右玄輝自映神灼自明青霞

磨其上紫霄繞其間宮北殿上有玉格格上
有學仙簿錄玄各年月金簡玉札有十萬篇
領仙郎典之想我名存中諦存良久然後見
青童君姿貌光彩煥爛燁燁堅心欽手稱位
姓名今至心歸命上相青童君仍禮三拜拜

畢仍伏密叩持各三密言乞赦小生其先後
深愆重罪開心悟意使解了玄經自識宿命
速成神仙家門興隆道德流布畢又禮三拜

三叩持止亦可向北六十日一行禮至於存思
恒在心也若不能得丁卯日餘卯皆可用又

不能六十日一行亦可四時為之為之疏者
罪積難積不精不改徒勞增尤必能至到年

一行之疏而懺實勝於數而浮虛自非六十
日一修皆一禮三百六十拜至三千六百拜

止若體不甚疲可一日一夜十二時行之一
時禮三百拜合三十六百也禮後思過改之

勿復重犯存善行之不得躉休如此三年三
尊降現矣

洞真太上八素真經三五化妙訣

洞真太上八素真經三五化妙訣